

Ա. Ն. ԳԱՐՐԻԵԼՅԱՆ

Հայ Էրեբարանական գիտությունը, Հայաստանի Երկրաբանական ծառայությունը և բարձրագույն դպրոցը կրեցին մեծ կորուստ։ Մասն հիվանդությունից հետո կյանքի 82-րդ տարում վախճանվեց Հայաստանի հանրապետության գիտությունների ազգային ակադեմիայի Երկրի մասին գիտությունների սեկցիայի նախագահ, Երկրաբանա-հանքաբանական գիտությունների դոկտոր, պրոֆեսոր, Հայաստանի հանրապետության գիտության և տեխնիկայի վաստակավոր գործիչ, ակադեմիկոս Արշալույս Համբարձումի Գարրիելյանը։

Ա. Գարրիելյանը ծնվել է 1912 թ. հունիսի 14-ին Կադաի մարզի Նախիջևան գյուղում, հողագործի ընտանիքում։ 1918 թ. նրա ծնողները գաղթում են հայրենի ոջախից և բնակություն հաստատում Թալինի շրջանի Արեգ գյուղում։ Սկզբնական կրթությունը ստանում է նախ տեղի, իսկ այնուհետև Երևանի Մ. Գորկու անվան դպրոցներում։



1931 թ. նա ընդունվում է Երևանի պոլիտեխնիկական ինստիտուտի Քիմիական ֆակուլտետը, իսկ երբ 1934 թ. Երևանի համալսարանում բացվում է աշխարհագրական-Երկրաբանական ֆակուլտետը Գարրիելյանը փոխադրվում է համալսարան ու սովորում նորաբաց ֆակուլտետի Երկրաբանական բաժնում, որը և գերազանցությամբ ավարտում է 1938 թվին։ Արժանի է հիշատակման, որ դեռևս ուսումնառության տարիներին նա իր ազգանդով, գիտելիքներով և աշխատասիրությամբ զարմացնում է ականավոր Երկրաբան-պրոֆեսորներ Տիգրան Զրբաշյանին և Հ. Կարապետյանին, որոնք նրան զուշակում են փայլուն ապագա։

1938 թ. համալսարանի ուկտորի որոշմամբ Ա. Գարրիելյանը (նաև համակուրսեցիներ Վաչե Հասարիյանը և Թադևոս Թադևոսյանը) զործուղվում են Մոսկվա, ուր սովորում է մայրաքաղաքի Ս. Օրջոնիկիձեի անվան Երկրաբանական-հետախույզական ինստիտուտի (ՄԳՐԻ) ասպիրանտուրայում, նշանավոր Երկրաբաններ Վ. Վ. Մենելերի և Ն. Ս. Շատսկու ղեկավարությամբ։

1941 թ. Ա. Գարրիելյանը վերադառնում է Երևան և աշխատանքի անցնում համալսարանում՝ որպես դասախոս և ԳԱ հայկական ֆիլիալի (Արմֆան) Երկրաբանական ինստիտուտում՝ գիտական աշխատող։ Հայրենական մեծ պատերազմի առաջին տարիներին նա գիտահետազոտական աշխատույթներ է ծավալում Մերձերևանյան շրջանում, ուսումնասիրելով այստեղ լայն տարածում և Երկրաբանական տեսակետից մեծ հետաքրքրություն ներկայացնող Երրորդական հասակի նստվածքային առաջացումների շերտագրությունը և հեղափոխությունը։ 1943 թ. նա

պաշտպանում է ինկնածուական դիսերտացիա՝ «ՀՀ Կոտայքի շրջանի երրորդականի նստվածքները» թեմայով, որը հրատարակվում է 1947 թվին:

1945 թ. նա հաստատվում է դոցենտի պաշտոնում՝ շարունակելով իր գիտական գործունեությունը ՀՀ գիտությունների ակադեմիայում, ուր երկար տարիներ եղել է ավագ գիտական աշխատող և ղեկավարել երկրաբանության ինստիտուտի համընդհանուր երկրաբանության բաժինը, 1949 թ. մինչև 1983 թ. Ա. Գաբրիելյանը ղեկավարել է համալսարանի երկրաբանության և նեոարանության ամբիոնը: 1954 թ. Գաբրիելյանը պաշտպանում է դոկտորական դիսերտացիա՝ «Հայաստանի երկրաբանական կառուցվածքի պատմությունը երրորդական ժամանակաշրջանում» թեմայով: 1956 թ. նա ստանում է պրոֆեսորի կոչում և նույն տարում ընտրվում ՀՀ ԳԱ թղթակից-անդամ: 1961 թ. նրան շնորհվում է հանրապետության գիտության և տեխնիկայի վաստակավոր գործչի պատվավոր կոչում:

1959 թ. գիտությունների ակադեմիայի հրատարակությամբ լույս տեսավ Ա. Գաբրիելյանի «Հայաստանի տեկտոնիկայի հիմնական հարցերը» մենագրությունը, որը հանդիսանում է Հայաստանի և Փոքր Կովկասի երկրաբանության ուսումնասիրությանը վերաբերող կարևոր գիտական աղբյուր: 1964 թ. նույն հրատարակությամբ լույս է տեսնում նրա «Հայաստանի պալեոգենը և նեոգենը» ծավալուն մենագրությունը, որը հեղինակի այդ բնագավառում կատարած գիտական հետազոտությունների հանրագումարն է: 1968 թ. համալսարանի Միտք հրատարակչությունը լույս ընծայեց «Հայաստանի հանրապետության տեկտոնական քարտեզը և ինտրոդիվ ֆորմացիաների քարտեզը» աշխատությունը, որի հեղինակային կոլեկտիվի ղեկավարը պրոֆ. Ա. Գաբրիելյանն էր: Նա կազմել է նաև Եվրոպայի միջազգային տեկտոնական քարտեզի Փոքր Կովկասի բաժինը:

Բազմաժանտակ երկրաբան-գիտնականը բազմիցս ակտիվ մասնակցություն է հանդես բերել Միությանական, Անդրկովկասյան և Միջազգային խորհրդակցություններին և գիտաժողովներին, որոնք նվիրված էին տեկտոնիկայի և շերտագրության պրոբլեմներին: Նրա զեկուցումները հրապարակվել են Ֆրանսիայում (Բորդո, 1962) և Հնդկաստանում (Դելի, 1964), նվիրված՝ միջին և վերին էոցենի սահմանի և Կովկասի տեկտոնական կառուցվածքի հարցերին: Նա ղեկավարել է խորհրդային պատգամավորների խումբը՝ Եվրոպայի մանրէա-նեոարանական գիտնաստաշրջանում (Վարշավա), հանդես է եկել «Հայաստանի միջին էոցենը» զեկուցումով (Բուդապեշտ, 1971), ինչպես նաև Ալպիական ծալքավոր մարզի տեկտոնիկային նվիրված միջազգային խորհրդակցությունում (Թրիլիսի, 1965) և Եվրոպայի, Մերձավոր Արևելքի տեկտոնական քարտեզներին նվիրված միջազգային գիտաժողովում (Բաքու, 1968):

Պրոֆ. Ա. Գաբրիելյանը «ՀՀ ԳԱԱ տեղեկագրի, գիտություններ հրկրի մասին» հանդեսի պատասխանատու խմբագիրն էր (1958—1966 և 1985—1993), երկրի մասին գիտությունների բաժանմունքի ակադեմիկոս-քարտուղար, նախագահության անդամ (1984-ից), վերջապես Միջազգային (տեկտոնական) և համամիութենական (շերտագրական) գիտակոորդինացիոն խորհուրդների անդամ էր:

Վաստակաշատ երկրաբան-մանկավարժն այն հազվագեպ գործիչներից էր, որը հավասարապես զուգակցում էր գիտահետազոտական և գիտամանկավարժական աշխատություն: Նա բացառիկ ղեր խաղաց երկրաբանական ազգային կադրերի պատրաստման և վերապատրաստման գործում, բավական է ասել, որ հանրապետության գիտական, արտադրական և բարձրագույն կրթության աշխատողների ճնշող մեծամասնությունը հանդիսանում են նրա սաները, որոնց զգալի մասը գիտության ինկնածուներ, դոկտոր-պրոֆեսորներ, առաջատար մասնագետներ և վաստակավոր երկրաբաններ են: Մեծ փորձ և ձիրք ունեցող մանկավարժի դասախոսությունները հազեցված էին գիտական (նաև գործնական) նորագույն տվյալներով, ուսանողները նրան ունկրելով էին լարված ուշադրությամբ:

Պրոֆ. Արշալույս Գաբրիելյանը թողել է հարուստ և բազմաշարր գիտական ժառանգություն: Նրա աշխատություններում լուսարանված են Հայաստանի երկրաբանական կառուցվածքի, հատկապես տեկտոնիկայի, շերտագրության և երկրաբանական զարգացման պատմության հարցերը: Մշակել է հանրապետության (լայն առումով) պալեոգենի ու նեոգենի շերտագրական սխեման, Փոքր Կովկասի ու հարակից շրջանների տեկտոնական մասնատման սխեման, բնութագրել առանձին տեկտոնական ստրուկտուրաները՝ բնդգծելով խորքային բեկվածքների դերը երկրաբանական կառուցվածքի, հրաբխականության, մագմատիզմի ու մետաղածուծության մեջ: Նա առաջարկել է Ալպիական ծալքավոր գոտու Կովկաս-Անատոլիա-Իրանական հատվածք տեկտոնական մասնատման սխեման, մասնակցել նախկին Միության և նրա հարավի և Եվրոպայի միջազգային տարրեր մասշտաբների տեկտոնական քարտեզների կազմմանը:

Վաստակաշատ երկրաբան-մանկավարժի, գիտնականի, հանրապետությունում իր գործի լավագույն մասնագետներից մեկի ակադեմիկոս Արշալույս Գաբրիելյանի հիշատակը միշտ վառ կմնա նրան ճանաչողների սրտերում:

ՀՀ ԳԱԱ Թիմիական և երկրաբանական գիտությունների բաժանմունք

ՀՀ ԳԱԱ երկրաբանական գիտությունների ինստիտուտ